

Angerlamukaartilungā haapissimasannut

Bolatta Silis-Høegh

**AiMA**  
Qaqgap Arnaalu

milik publishing



# Aima 2. klasserpoq.

Kisitsineq tuluttoornerlu nuannareqai.

Aimap anaanallu ullaakkorsiornerminni Aimap nam-mineerluni atuarfimmiit angerlarnissa eqqartorpaat.

"Namminiivillutit angerlarniarpit?"

anaanap Aima aperaa.

"Yes," Aimap anaanani akivaa.

"Toqqaannaq atuarfimmiit angerlas-  
saatit," anaana oqarpoq.

"Yes yes," Aimap akeqqippaa.

"Aaku aningaasivik 10 kronilu angerla-  
leruit tamulugassarsiniutissat,

kaalissagaluaruit isumaluleqinaatit."

Aima: "Ijajja."

"Maani utaqqiumaarpakkit,"  
anaanap oqarfiga.

"Yes yes, paasivaat, ilu ilu ilumoq-  
qinnaaq, tassavik," Aimamaasiit  
qiimarpaloq aluni anaanani peru-  
juppa.

Aimap atuagaasivini piareersarpaa,  
ningaasivik ikillugu aalisateerarlu  
– angerlaleruni nuannisaatissaminik  
isumassarsigami.





Aimap soraarami atuarfiup silataani ikinnngutini Mathilda naapippaa, isumaqatigiippullu eqqaamioriikkamik ingerlaqatigiinniarlutik. Aima Mathildalu meeqqerivimmiikkallaramilli ikinnngutigiipput

## ilaatigullu kamaatilaartarlutik.

Meeqqerivimmi ungalut qarsunnikuaat, qaqqami paarnartarniarlutik aamma qivittusaarlutik Mathildap ningiua tupassaarnikuaat naarujussuisigut quinassaarlugu uppingajallugu. Marluugaangamik sapi-gaaruttarput, illoqarfiullu qattuninngui, uinganinngui ujarannguilu tamaasa nalunngilaat.





"Hey, Mathilda, aningaasivimmik aalisaammillu  
nassarpunga,

iSUMassarsigama!"

Aima illalaajutigaluni oqarpoq, nalunngilaami  
Mathilda naalanngisaaqatigilaarsinnaallugu.  
Aimap aalisaat qaqpaa aningaasivimmillu  
qilerlugu.

"Toqqorfissatsinnik nassaalaariarluta,"  
Aimap ikinngutini isinngua-  
jutigalugu pivaa.